

ادبیات عمومی و تاریخی

هفته‌لق سیاسی ، ادبی ، علمی غزته در

جلد : ۳

سنه : ۲۹ ۲ رجب ۱۳۳۶ جمعه ایرتنی ۱۱ مایس ۱۹۱۸ نوسرو ۴۶ — ۶۷

اجمال افکار

تورکچیلک و ملتچیلر

— سز ترکیسکیز ونه وقتدن بری ؟ — تپه‌دن طیرناغه قدر ترکم و قالوا بلیدن بری . وطنم ، ملتیم ، لسانیم ، وجدانیم مستعار دکلدیر . ترک وطنندن بشقه وطن ، ترک ملتندن بشقه ملت ، ترکجه‌دن بشقه دیل ، ترکلرک وجدان عمومیسندن بشقه وجدان ، حتی اذعان وایقان ، ترک دینی اولان مسلمانلقدن بشقه مذهب و ایمان بیلیم . مسائل ملیه‌ده — مع التأسف — بر آزده طرفدار افراطیم . نظریه اولق اعتباریه جهان بریه لکنی قبول ایده بیلر سه‌م‌ده سائر برایای جهان بو حقیقتی هنوز تصدیق ایتمدکلرندن ، زما نمزده ملیت اقنومنی اقامیم سائرده ترجیح ایتمک اضطرارنده‌یم .

— سز خلقلک خیر خواهی میسکیز ؟ — اوت ! لکن خیرخواه کله‌سنی بر آز بالا پروازانه بولورم . جمهورک ، حتی ، خدمتکاری‌یم . غایم عامه‌نک تعالیسیدر . ایستهرم که عوام ، سویه خواصه یا قلاشین . بولوندیغی وضعیتدن چیقسون . خلق ، آریستوقرات اولسون . لهستانده نجیایی ، برتاریخده ، ده موقراتلاشمغه قویولا جقلرینه ، خلقی تحجیب ایتمشیر . نه کوزل حرکت ! آرزو ایدرم که بلا استثنا هر ترک نجیب واصل اولسون . عواممز تعالی ایتمسون .

اولاً : تکرار ك عددی اوج الی درتدن فضله اولمایاجق .

ثانیاً : تکریر ، بسیط اولمایاجق . یعنی ، یا ، هرایکی تکرار ك آراسنده یابانجی اوراق بر قسم بولوناجق . یاخود تکرار ایدیلن پارچه برار تعدیل ایدیلجك . [بوده : یا ، کیتدجکه بر قسم طی اولونارق تکرر ، متناقضاً دوام ایدجك ، ویا متزایدآ ، ویا متشابهآ یاخودده متناظراً تکرار اولوناجق .

ثالثاً : تکریر متداخل اولاجق . یعنی بر قسم تکرار ایدیلرکن عین زمانده بو قسملدن حصوله کلمش باشقه بر هیئتده باشقه طرزده تکرر ایتش بولوناجق .

موسیقی ، تزینات نقشیه کبی سربست واختراعی صنعتلرده بو قاعدهلره پک رعایت اولونور .

۲ — مع مافیه تکریری یالکز روحه خوش کسین دییه یامازلر . آئیده کی قاعدهلره بو حاصل اولان آهنگك روحه نه دیمك ایستدیکنی عرض ایدلم .

آ — فیعه و بسیط تکرار لر منهدر لر چوغی سیکیرلندیرر . بوکا کوزل بر مثال : بار کیریکنی سرعتی به قالدیر یکن . فیعه صار صینتیلر سزی فنا حالده بورار ، شاید اصولی وجهله هرایکی صار صینتیده وجود کنی اکردن قالدیرر و بر ضربی هواده ایکن صاووشدور سه کز بر ساعت بیله کیتسه کز بورلماز سکز .

ب — پک یاواش تکرار لر بر رخاوت و بریر لر . واپور صالانتیسی کبی .

ج — برقاج دفعه تکرار ایتدی ککز کوزل بر پارچه بی بر چوق باشقه تکررلدن صوکرآ ، مثلاً پارچه کزك نهایتنده بر ایکی دفعه ده تکرار ایدر سه کز ، اسکی بر آشنایه قاووشمی کبی بر طاتلیاق و محزونلق و بریر .

مع مافیه بو پک متعدد قاعدهلری بویله متادیا یازوب طور مقصدن ایسه بونلری بدیعیات کتابلرینه بر اقارق شاعرلریمزك آثارینی تدقیق ایدلم و عروض وزنك موفقیتی نه سایه ده اولدیغنی وقصورلری مثاللره اثباته چالیشلم :

[پتندی]

رئیمه صیا

شرقی

اولدیردی فراقك بنی ای روح مصور !
وصلکله ایت احیا دلی بر معجزه کوستر !
سبل اشکمی ، کولیر بنی ای یار کرمور !

وصلکله ایت احیا دلی بر معجزه کوستر !

ای مایه اولان نوری بوی تاب وتوانه !
هجرانك ایله چو کدی الم ظلمتی جاه
بکرتدی بوفرق بنی اوراق حزانه

وصلکله ایت احیا دلی بر معجزه کوستر !

مصطفی مشیر